



Broj: 08-01-03/2-11-2-1262-30/25

Dana: 08.07.2025.godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-1262-21/25 od 30.06.2025.godine, u postupku javne nabavke "LOT 5: Nabavka radova za izradu i montažu PVC prozora u Policijskoj stanici Doboj Jug", ministar Ministarstva unutrašnjih poslova Zeničko-dobojskog kantona, donosi:

ODLUKU

o izboru najpovoljnijeg ponuđača "DKM GRADNJA" d.o.o. Maglaj, za "LOT 5: Nabavka radova za izradu i montažu PVC prozora u Policijskoj stanici Doboj Jug"

Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-1262-21/25 od 30.06.2025. godine i ugovor za "LOT 5: Nabavka radova za izradu i montažu PVC prozora u Policijskoj stanici Doboj Jug" dodjeljuje se ponuđaču "DKM GRADNJA" d.o.o. Maglaj, sa ponudom broj: 08-01-03/2-11-2-1262-3/25 od 13.06.2025. godine i ponudenom cijenom u iznosu od 6.450,00 KM bez PDV-a u koju je uključen popust ostvaren na e-Aukciji u iznosu od 10,24%.

Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1262/25 od 23.05.2025. godine i Obavještenja o nabavci broj: 488-1-3-29-3-42/25 od 27.05.2025. godine, proveden je otvoreni postupak javne nabavke "LOT 5: Nabavka radova za izradu i montažu PVC prozora u Policijskoj stanici Doboju Jug". Procijenjena vrijednost nabavke je iznosila 7.192,89 KM bez uključenog PDV-a. Sažetak obavještenja o nabavci broj: 488-1-3-29-3-42/25 objavljen je dana 09.06.2025. godine u "Službenom glasniku BiH", broj: 34. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1262-2/25 od 28.05.2025. godine.

Komisija je sačinila Zapisnik o prijemu ponuda broj: 08-01-03/2-11-2-1262-17/25 od 17.06.2025. godine i Zapisnik sa otvaranja ponuda broj: 08-01-03/2-11-2-1262-18/25 od 17.06.2025. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda, 4 (četiri) ponuđača prijavila na predmetno javno nadmetanje i to ponuđači: "DKM GRADNJA" d.o.o. Maglaj, "COSPEX" d.o.o. Zenica, "MEGA-ROLL" d.o.o. Gračanica i "UGARAK-PRODUKT" d.o.o. Visoko.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1262-21/25 od 30.06.2025. godine, te utvrdila da:

Ponuđač "MEGA-ROLL" d.o.o. Gračanica nije kvalifikovan za LOT 4, obzirom da u ponudi za navedeni LOT nije dostavio Izjavu o garantnom roku za izvedene radove iz tačke 10 a) tenderske dokumentacije koja je obavezan dio ponude shodno tački 14. pod g) tenderske dokumentacije.

U toku pregleda i ocjene ponude ponuđača "UGARAK-PRODUKT" d.o.o. Visoko i provjere računske ispravnosti za LOT 5 Komisija je utvrdila da je u Obrascu za cijenu ponude (Aneks II-5) stavke pod rednim brojem 4. i 5. zahtjevana količina 1,55 m², a da je jedinična cijena 310,13 KM bez PDV-a. Množenjem te količine i jedinične cijene (310,13x1,55) dobije se iznos od 480,70, a u ponudi u rubrici: "ukupna cijena u KM bez PDV-a" upisan je iznos 490,00 KM, iz čega se vidi računska greška u ponudi koja je ispravljena na sljedeći način: U Obrascu za cijenu ponude (Aneks II-5) stavke pod rednim brojem 4. i 5. u rubrici: "ukupna cijena u KM bez PDV-a" su upisani iznosi 480,70, te je stoga i u zbirnim rubrikama na kraju Aneksa II: "UKUPNO u KM bez PDV-a" i "UKUPNO CIJENA u KM sa popustom bez PDV-a" umjesto iznosa 7.187,31 KM upisan iznos 7.168,71 KM. Iste ispravke su izvršene i u Obrascu za dostavljanje ponude (Aneks I sa izjavom ponuđača) pod 3. gdje je također u rubrici "PDV na cijenu ponude (sa uračunatim popustom)" umjesto iznosa 1.221,84 KM upisan iznos 1.218,68 KM, te u rubrici "ukupna cijena za ugovor je" umjesto iznosa 8.409,15 KM upisan iznos 8.387,39 KM. O navedenim ispravkama ponuđač "UGARAK-PRODUKT" d.o.o. Visoko je obavješten aktom ugovornog organa broj: 08-01-03/2-11-2-1262-19/25 od 23.06.2025. godine koji mu je dostavljen putem e-maila dana 23.06.2025. godine, da bi ponuđač dana 25.06.2025. godine putem e-maila dostavio akt broj: B.P.01-752/25 od 25.06.2025. godine i na taj način obavjestio da prihvata ispravku računsku grešku i da je saglasan izvršenoj ispravci u njegovoj ponudi.

Nadalje, Komisija je utvrdila da ponude ponuđača "DKM GRADNJA" d.o.o. Maglaj, "COSPEX" d.o.o. Zenica i "UGARAK-PRODUKT" d.o.o. Visoko ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. iste su za ugovorni organ prihvatljive.

Dana 30.06.2025. godine u 09:45 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	COSPEX d.o.o. Zenica	4218991860002	7.159,20	1
2.	UGARAK-PRODUKT d.o.o. Visoko	4218241270009	7.168,71	2
3.	DKM GRADNJA d.o.o. Maglaj	4218267310009	7.186,02	3

Aukcija je okončana dana 30.06.2025. godine u 10:09 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	DKM GRADNJA d.o.o. Maglaj	4218267310009	6.450,00	10,24%	1
2.	UGARAK-PRODUKT d.o.o. Visoko	4218241270009	6.499,99	9,33%	2
3.	COSPEX d.o.o. Zenica	4218991860002	7.159,20	0,00%	3

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM, sa popustom (prije e-aukcije)	Konačna cijena ponude bez PDV-a u KM, sa popustom (nakon e-aukcije)	Rang
DKM GRADNJA d.o.o. Maglaj	7.186,02	NE	7.186,02	6.450,00	1
COSPEX d.o.o. Zenica	7.159,20	NE	7.159,20	7.159,20	3
UGARAK-PRODUKT d.o.o. Visoko	7.168,71	NE	7.168,71	6.499,99	2

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "DKM GRADNJA" d.o.o. Maglaj, odabran je na osnovu ponuđene cijene u iznosu od 6.450,00 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

